

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Z E N I C A  
Broj: T04 0 KT 0054731 25  
Zenica, 13.05.2026. godine

OPĆINSKOM SUDU U KAKNJU  
- Sudiji za prethodno saslušanje-  
KAKANJ

Na osnovu člana 45. stav 2. tačke i) i člana 241. stav 1. Zakona o krivičnom postupku Federacije Bosne i Hercegovine, p o d i ž e m

O P T U Ž N I C U

Protiv,

G. M., ...

što je,

1. tačno neutvrđenog dana 2023. godine, u Kaknju, na lokalitetu "...” u mjestu ..., uz obalu rijeke ..., suprotno odredbama člana 4. stav 1., 2, 3. i 5., a u vezi sa članom 19. Zakona o sprečavanju i suzbijanju zloupotrebe opojnih droga, koja droga je pod rednim brojem 13. liste opojnih droga iz tabele I „Zabranjene tvari i biljke“ proglašena takvom, svjestan svoga djela, što je i htio, neovlašteno radi prodaje proizvodio opojnu drogu koja sadrži psihoaktivne komponente „kanabinol“ i „tetrahidrokanabinol“ identično kao „cannabis“, poznatija kao opojna droga „marihuana“, na način da je u saksiju posijao jednu stabljiku zeljaste biljke, koja je izrasla u stabljiku indijske konoplje visine oko 110 cm a koja pripada biljnoj vrsti Cannabis Sativa L i koristi se za proizvodnju opojne droge marihuane, pa je ovu stabljiku uzgajao sve do dana 22.08.2023. godine, kada su se policijski službenici PS Kakanj uputili na navedenu lokaciju i koja je od strane policijskih službenika izvađena iz zemlje, te je o navedenom sačinjen zapisnik o uviđaju broj ... od 22.08.2023. godine,

2.dana 06.10.2023. godine, oko 14,40 sati, na području općine Kakanj, u poslovnom prostoru pored ... „...“, na adresi ...na broju ..., suprotno odredbama člana 4. stav 1., 2, 3. i 5., a u vezi sa članom 19. Zakona o sprečavanju i suzbijanju zloupotrebe opojnih droga, iako je bio svjestan i znao da se radi o opojnoj drogi, što je i htio, neovlašteno radi prodaje držao istu a koja sadrži psihoaktivne komponente metilendioksimetamfetamin (MDMA), a koja droga je pod rednim brojem 12. liste psihotropnih tvari iz tablice II „Tvari i biljke pod strogim nadzorom“ proglašena takvom, koja je bila posuta na pvc ploču žute boje, pored koje se nalazila jedna pvc kartica „...“ banke, na ime A. D. A. sa tragovima iste, jedan nožić skalpela sa tragovima iste, komad papira plave boje zamotan u rolu sa tragovima iste, te suprotno odredbama člana 4. stav 1., 2, 3. i 5., a u vezi sa članom 19. Zakona o sprečavanju i suzbijanju

zloupotrebe opojnih droga, iako je bio svjestan i znao da se radi o opojnoj drogi, neovlašteno posjedovao jednu nagorenu, ručno motanu cigaretu sa mješavinom biljnog materijala zelene i smeđe boje dužine 8,5 cm i mase 0,672 grama, a koja sadrži psihoaktivne komponente „kanabinol“ i „tetrahidrokanabinol“ identično kao „cannabis“, poznatija kao opojna droga „marihuana“, koja droga je pod rednim brojem 13. liste opojnih droga iz tabele I „Zabranjene tvari i biljke“ proglašena takvom, a koja droga mu je tog dana pronađena i oduzeta od strane ovlaštenih službenih osoba PS Kakanj prilikom pretresa poslovnog objekta pored ..., na adresi ... na broju ..., koje isti koristi izvršenog po naredbi Općinskog suda u Kaknju broj ... od 06.10.2023. godine, te od istog oduzeta uz izdavanje potvrde o privremenom oduzimanju predmeta broj ... od 06.10.2023. godine, a zatim istog dana, oko 15,25 sati na području općine Kakanj, u stanu na adresi ... na broju ..., suprotno odredbama člana 4. stav 1., 2, 3. i 5., a u vezi sa članom 19. Zakona o sprečavanju i suzbijanju zloupotrebe opojnih droga, iako je bio svjestan i znao da se radi o opojnoj drogi, neovlašteno radi prodaje držao istu a koja sadrži psihoaktivne komponente „kanabinol“ i „tetrahidrokanabinol“ identično kao „cannabis“, poznatija kao opojna droga „marihuana“, koja droga je pod rednim brojem 13. liste opojnih droga iz tabele I „Zabranjene tvari i biljke“ proglašena takvom, i to: zelenu biljnu materiju neto mase 0,411 grama koja je bila u metalnoj drobilici crne boje, jedan grumen materije zelene boje neto mase 3,869 grama, jedan najlonski omot u kojem se nalazila prozirna plastična kutija u kojoj su se nalazila tri grumena materije zelene boje ukupne neto mase 0,735 grama i jedan grumen materije tamnosmeđe boje neto mase 0,399 grama, u formi smole poznatiji kao „hašiš“, tri staklene flaše volumena cca. 330 ml, jednu specifičnog pljosnatog oblika, jednu sa ručno ispisanom naljepnicom „VATRA 20, TRAVAJLICA“, i jednu sa ručno ispisanom naljepnicom „VATRA 21.10.21, TRAVAJLAJELA“ koje u sebi sadrže biljni materijal u vidu listova, cvjetova i bočnih grana indijske konoplje potopljenih u tekućinu i jednu proziranu plastičnu kutiju u kojoj se nalazila jedna sjemenka smeđe-zelene boje, jajolikog oblika, dužine 4-5 mm i prečnika 3-4 mm, neto mase 0,023 grama koja po svojim morfološkim karakteristikama odgovara sjemenski biljke Cannabis Sativa L, ali ne sadrži psihoaktivne komponente „kanabinol“ i „tetrahidrokanabinol“, a koja droga mu je tog dana pronađena i oduzeta od strane ovlaštenih službenih osoba PS Kakanj prilikom pretresa stana, na adresi ... na broju ..., koje isti koristi izvršenog po naredbi Općinskog suda u Kaknju broj ... od 06.10.2023. godine, te od istog oduzeta uz izdavanje potvrde o privremenom oduzimanju predmeta broj ... od 06.10.2023. godine,

3.dana 06.10.2023. godine, oko 15,25 sati, na području općine Kakanj, u stanu na adresi ... na broju ..., nedozvoljeno držao municiju čija nabavka građanima uopće nije dozvoljena ili je dozvoljena građanstvu uz posjedovanje odgovarajuće dozvole izdate od strane nadležnog organa i to: jedan vojni metak kalibra 14,5X114 mm, dva vojna metka kalibra 12,7x99mm, četiri komada metka kalibra 7,9x57mm, jedan vojni metak kalibra .303, dva vojna metka kalibra 7,62x54R mm, jedan vojni metak kalibra 8x56R, jedan vojni metak kalibra 6,5x52 mm, jedan lovački metak kalibra 7x57 mm, jedan vojni metak kalibra 7,62x51 mm, jedan metak kalibra 357 magnum, jedan metak kalibra .45 ACP, jedan metak kalibra 9x19 mm, jedan metak kalibra 7,62x25 mm, jedan metak kalibra 9x17 mm, jedan metak kalibra .32 Auto, tri malokalibarska metka kalibra .22 LR, jednu lovačku patronu kalibra 12 punjenu sačmom, jednu lovačku patronu kalibra 16 punjenu sačmom i jedan metak punjen sitnim kuglicama kalibra CCl 38 special, iako je znao da se radi o municiji čija nabavka građanima uopće nije dozvoljena ili je dozvoljena građanstvu uz posjedovanje odgovarajuće dozvole izdate od strane nadležnog organa, a koju nije posjedovao, što je i htio, a koja municija mu je

privremeno oduzeto nakon izvršenog pretresa stana a po naredbi Općinskog suda u Kaknju broj: ... od 06.10.2023. godine, a o čemu je izdata potvrda o privremenom oduzimanju predmeta PS Kakanj broj ... od 06.10.2023. godine,

čime je počinio,

-pod tačkama 1) i 2) produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH;  
-pod tačkom 3) krivično djelo nedozvoljeno držanje oružja ili eksplozivnih naprava iz člana 371. stav 1. u vezi sa članom 52. stav 1 tačka b) Zakona o nabavljanju, držanju i nošenju oružja i municije ZDK, a sve u vezi sa članom 54. KZ F BiH.

Radi toga, stavljam

**P R I J E D L O G**  
dokaza koje treba izvesti

...

5. Da se na osnovu člana 78. stav 1. i člana 238. stav 4. KZ F BiH od osumnjičenog G. M. oduzme opojna droga „cannabis“ neto težine 0,934 grama, 0,651 grama, 0,390 grama, 3,869 grama, 0,715 grama, 0,381 grama „Cannabis“ smole (hašiš), tri staklene flaše volumena cca. 330 ml, jednu specifičnog pljosnatog oblika, jednu sa ručno ispisanom naljepnicom „VATRA 20, TRAVAJLICA“, i jednu sa ručno ispisanom naljepnicom „VATRA 21.10.21, TRAVAJLAJELA“ koje u sebi sadrže biljni materijal u vidu listova, cvjetova i bočnih grana indijske konoplje potopljenih u tekućinu, jednu sjemenku smeđe-zelene boje neto mase 0,023 grama i metilendioksimetamfetamin (MDMA) 0,019 grama, jedna metalna crna drobilica u kojoj su se nalazili ostaci biljnog materijala neto mase 0,390 grama, preostalu nakon vještačenja, a koji predmeti se nalaze deponovani u PS Kakanj.